



Inatsisartut aalajangiiffigisassatut siunnersuut, Naalakkersuisut peqquneqassasut neqerooruteqartarnermut inatsimmut allannguutissanik siunnersuuteqarnissaannik, sanaartornermi suliallit nunatta pissarititaanik atuinissamik kissaateqartut tapersersorneqarnissaat siunertaralugu.

(Inatsisartunut ilaasortat Aqqaluaq B. Egede, Inuit Ataqatigiit aamma Per Rosing-Petersen, Partii Naleraq)
(Siullermeerneqarnera)

Neqerooruteqartarnermut inatsi qitiusumik neqerooruteqartunut assigiimmik unammilleqatigiissinnaanermut isuannaarinninneruvoq.

Sanaartornermut atortussanik aaliangersuinissamut tunngassuteqannigilaq.

Taamaatumik piumasarineqarpat kalaallit sanaartornermut atortussanik tunisassiaqalernissaat, anguniarnerini neqerooruteqartarnermut inatsi taputartuutissallugu eqqunngilaq. Piumasaqaat namminermini ajunngilaq. Pitsaassuseq ajunngitsoq Kalaallit Nunaata pissarititaanik sanaartornermut atortussanik tunisassiulersinnaasuugaanni avataaniit tikisittakkagut taamaasilluta annikillisarsinnaagaluaratsigit aammalu akilersinnaanerusumik sanaartortoqarsinnaanngussalluni.

Tunisassiortoqalersinnaanissarli suliniut suliffeqarfinit namminersortunit isumagineqartariaqarpoq. Demokraatinit isumaqannigilagut sanaartornermut atortunik tunisassiorneq sutigut tamatigut pisortat suliffeqarfiutaanit aallartinneqassanngitsoq, taamaattorli suliffeqarfinit namminersortunit aningaasalerneqassasoq.

Damokraatinit naqqiissutigissavarputtaa UKA 2017-mi Naalakkersuisut pilersaarutigimmassuk Kalaallit Nunaata pisuussutaanit sanaartornermut atortunik atuneq siuarsarneqarnissaanut tunngasumik siunnersuuteqarumaarmata. Oqaatigereerusupparpulli siunnersuut taamatut isikkoqartillugu unammilleqatigiinnermut ajortumik aalassatsitsisinnaasumik saqqummiussisoqassanngimmat, taamaattorli siunnersuummut tunngatillugu Naalakkersuisunut Inatsisartunullu isumaqatiginninniarnissarput qilanaaralutigu.

Taamatut oqaaseqarluta Inuit Ataqatigiinnit Partii Naleraq-miillu siunnersuutigineqartoq itigartinneqarnissaa inassutigaarput.